



Bosnia and Herzegovina
Federation of Bosnia and Herzegovina

CANTON SARAJEVO
ASSEMBLY

Nezavisni odbor

Broj: 01-04-24-2-1/26


Sarajevo, 17.02.2026. godine

SKUPŠTINA KANTONA SARAJEVO

OVDJE

PREDMET: Izvještaj o radu Nezavisnog odbora za period juli - decembar 2025. godine - dostavlja se;

Nezavisni odbor na sjednici održanoj dana 17.02.2026. godine razmatrao je Izvještaj o radu Nezavisnog odbora za period juli - decembar 2025. godine, a u skladu s članom 34. stav 4. Zakona o unutrašnjim poslovima Kantona Sarajevo ("Službene novine Kantona Sarajevo" broj: 1/16, 26/19, 31/19 i 39/20), te isti dostavlja Skupštini Kantona Sarajevo, na razmatranje.



PREDSJEDAVAJUĆI NEZAVISNOG ODBORA





Bosnia and Herzegovina
Federation of Bosnia and Herzegovina
**CANTON SARAJEVO
ASSEMBLY**

Na osnovu člana 34. st.4. Zakona o unutrašnjim poslovima Kantona Sarajevo ("Službene novine Kantona Sarajevo" br.:1/16, 26/19, 31/19 i 39/20) i člana 120. Poslovnika Skupštine Kantona Sarajevo („Službene novine Kantona Sarajevo“ br. 41 /12- Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22, 17/22- Ispravka i 47/24). Skupština Kantona Sarajevo na sjednici održanoj dana _____ godine, donijela je sljedeći

ZAKLJUČAK

Usvaja se Izvještaj o radu Nezavisnog odbora za period juli - decembar 2025. godine.

Broj: 01-04-_____/26
Sarajevo, __. __. 2026. godine

**PREDSJEDAVAJUĆI
SKUPŠTINE KANTONA SARAJEVO**

Elvedin Okerić

Bosna i Hercegovina
Federacija Bosne i Hercegovine
**SKUPŠTINA KANTONA
SARAJEVO**



Босна и Херцеговина
Федерација Босне и Херцеговине
**СКУПШТИНА КАНТОНА
САРАЈЕВО**

Bosnia and Herzegovina
Federation of Bosnia and Herzegovina
**CANTON SARAJEVO
ASSEMBLY**

IZVJEŠTAJ
o radu Nezavisnog odbora za period juli-decembar 2025. godine

Sarajevo, februar 2026. godine



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax: + 387 (0) 33 562-210
Web: <http://skupstina.ks.gov.ba>
E-mail: skupstina@skupstina.ks.gov.ba

Na osnovu člana 33. stav (1) tačka h) i člana 34. stav (4) Zakona o unutrašnjim poslovima Kantona Sarajevo („Službene novine Kantona Sarajevo“ broj: 1/16, 26/19, 31/19 i 39/20) i člana 8. stav 9. Poslovnika o radu Nezavisnog odbora ("Službene novine Kantona Sarajevo", br.: 13/22), Nezavisni odbor na sjednici održanoj dana 17.02.2026. godine, Skupštini Kantona Sarajevo, podnosi;

IZVJEŠTAJ **o radu Nezavisnog odbora za juli - decembar 2025. godine**

I - Uvod

Nezavisni odbor imenovan je Odlukom o imenovanju Nezavisnog odbora Skupštine Kantona Sarajevo broj: 01-04-5642/22 od 22.02.2022. godine (u daljem tekstu Nezavisni odbor), a isti je u novom sazivu počeo sa radom 02.03.2022. godine.

U izvještajnom periodu Nezavisni odbor obavljao je poslove i zadatke u punom sazivu. U Nezavisni odbor imenovano je sedam članova predstavnika iz reda građana. Mandat članova Nezavisnog odbora traje 4 (četiri) godine.

Nezavisni odbor je u periodu juli - decembar 2025. godine obavljao poslove u skladu sa Zakonom o unutrašnjim poslovima Kantona Sarajevo, Zakonom o policijskim službenicima, Poslovníkom o radu Nezavisnog odbora, kao i drugim relevantnim zakonima i podzakonskim aktima.

U nadležnosti Nezavisnog odbora je da:

- (1) raspisuje i provodi Javni konkurs za imenovanje policijskog komesara;
- (2) vrši selekciju i predlaže listu kandidata za izbor policijskog komesara Vladi Kantona koju dostavlja posredstvom ministra;
- (3) prati rad policijskog komesara, nadzire primjenu ovlaštenja policijskog komesara u rukovođenju Upravom policije iz člana 23. Zakona o unutrašnjim poslovima i o tome izvještava Skupštinu Kantona Sarajevo;
- (4) ako procijeni za potrebnim može izvršiti neposredni uvid u akte i predmete Uprave policije u skladu sa članom 47. navedenog Zakona;
- (5) predlaže smjenu policijskog komesara Vladi Kantona u skladu sa Zakonom o unutrašnjim poslovima;
- (6) vodi prvostepeni disciplinski postupak protiv policijskog komesara i izriče disciplinske sankcije;
- (7) prima, razmatra i postupa po podnesenim žalbama na rad policijskog komesara;
- (8) usvaja Poslovnik o radu Nezavisnog odbora;
- (9) sačinjava izvještaje o radu Nezavisnog odbora svakih šest mjeseci i dostavlja ih Skupštini Kantona na razmatranje;
- (10) sačinjava detaljan tromjesečni izvještaj o radu policijskog komesara, koji dostavlja Skupštini Kantona;
- (11) po potrebi razmjenjuje informacije, podatke, dokumente po pojedinim predmetima sa Komisijom za sigurnost Skupštine Kantona Sarajevo;
- (12) obavlja druge poslove propisane Zakonom o unutrašnjim poslovima Kantona Sarajevo, Zakonom o policijskim službenicima Kantona Sarajevo i drugim propisima.

II – Normativni dio

U vršenju zadataka iz svoje nadležnosti, Nezavisni odbor je donosio zaključke, sačinjavao odgovore, informacije, tražio dostavljanje informacija i podataka i iste razmatrao, sačinjavao i druge akte iz svoje nadležnosti, te redovno obavještavao javnost o svom radu.

III - Tematski dio

Tokom izvještajnog perioda, Nezavisni odbor je održao 6 redovnih sjednica.

ZAPISNIK

sa 43. sjednice Nezavisnog odbora, održane dana 24.07.2025. godine, sa početkom rada u 17:00 sati, u prostorijama Skupštine Kantona Sarajevo.

Sjednici prisustvuju članovi Nezavisnog odbora:

Predsjedavajući: Adis Šečić

Članovi: Esad Solak, Mineta Hrvat, Mensud Cibra, Branislav Bunjevac i Jasmin Idrizović.

Sjednici nije prisustvovao član Nezavisnog odbora Kenan Kapo.

Predsjedavajući Nezavisnog odbora Adis Šečić, predložio je sljedeći:

DNEVNI RED

1. Usvajanje Zapisnika sa 42. sjednice Nezavisnog odbora;
2. Informacija o aktivnostima Uprave policije MUP-a Kantona Sarajevo za mjesec juni 2025.godine.
3. Informacija o aktivnostima Uprave policije Ministarstva unutrašnjih poslova Kantona Sarajevo za period januar- juni 2025.godine;
4. Izvještaj o radu policijskog komesara Uprave policije Ministarstva unutrašnjih poslova Kantona Sarajevo za vremenski period 01. april- 30. juni 2025.godine;
5. Razmatranje Informacije Agencije za zaštitu ličnih/osobnih podataka u BiH broj:UP1 03-1-37-2-351-16/24 od 02.07.2025.godine;
6. Razmatranje Mišljenja Agencije za zaštitu ličnih/osobnih podataka u BiH broj:03-1-02-1-638-2/25 od 04.07.2025.godine;
7. Razmatranje Izvještaja o radu Nezavisnog odbora za period juli-decembar 2024. godine;

8. Razmatranje Izvještaja o radu policijskog komesara Uprave policije Ministarstva unutrašnjih poslova Kantona Sarajevo za vremenski period januar – mart 2025. godine;

9. Razno.

S obzirom da je policijski komesar Uprave policije Ministarstva unutrašnjih poslova Kantona Sarajevo Fatmir Hajdarević, dana 17.07.2025.godine obavijestio Nezavisni Odbor Skupštine Kantona Sarajevo da zbog bolničkog liječenja neće moći prisustvovati 43. sjednici Nezavisnog odbora, Nezavisni odbor je odlučio da se na ovoj sjednici ne razmatraju tačke pod rednim brojevima:

2. Informacija o aktivnostima Uprave policije MUP-a Kantona Sarajevo za mjesec juni 2025.godine.

3. Informacija o aktivnostima Uprave policije Ministarstva unutrašnjih poslova Kantona Sarajevo za period januar- juni 2025.godine;

4. Izvještaj o radu policijskog komesara Uprave policije Ministarstva unutrašnjih poslova Kantona Sarajevo za vremenski period 01. april- 30. juni 2025.godine.

Članovi Nezavisnog odbora su jednoglasno usvojili Dnevni red (6/6).

Nakon što je konstatovano da je na sjednici prisutno (6/6) članova Nezavisnog odbora, te da postoji kvorum za rad i odlučivanje sukladno odredbi člana 7. Poslovnika o radu Nezavisnog odbora, Predsjedavajući je u skladu sa odredbom člana 6. stav 1. Poslovnika otvorio sjednicu Nezavisnog odbora, te se prelazi na predložene tačke Dnevnog reda, a kako slijedi:

AD-1.- Usvajanje Zapisnika sa 42. sjednice Nezavisnog odbora

Predsjedavajući Adis Šečić stavio je na glasanje prijedlog o usvajanju Zapisnika sa 42. sjednice Nezavisnog odbora koja je održana 30.06.2025.godine, te je konstatovao da je Zapisnik sa 42. sjednice Nezavisnog odbora jednoglasno usvojen (6/6).

AD-5.- Razmatranje Informacije Agencije za zaštitu ličnih/osobnih podataka u BiH broj: UP1 03-1-37-2-351-16/24 od 02.07.2025.godine

Članovi Nezavisnog odbora su diskutovali o Informaciji Agencije za zaštitu ličnih/osobnih podataka u BiH broj: UP1 03-1-37-2-351-16/24 od 02.07.2025.godine i nakon diskusije jednoglasno odlučili (6/6) da se, prema Agenciji za zaštitu ličnih/osobnih podataka u BiH, uputi sljedeći dopis:

“Nakon što je Nezavisni odbor Skupštine Kantona Sarajevo dobio Informaciju broj: UP1 03-1-37-2-351-16/24 od 02.07.2025.godine konstatovao je da iz iste nije razvidno po čijem prigovoru je postupala Agencija za zaštitu ličnih/osobnih podataka u BiH, niti da li su utvrđene bilo kakve nepravilnosti, i od strane koga, kao niti da li su od strane Agencije naložene bilo kakve mjere u skladu sa Zakonom o zaštiti ličnih podataka. Molimo Vas da nam dostavite tražene podatke, a kako bi smo možebitno poduzeli mjere iz naše nadležnosti”.

AD-6.- Razmatranje Mišljenja Agencije za zaštitu ličnih/osobnih podataka u BiH broj:03-1-02-1-638-2/25 od 04.07.2025. godine

Nakon provedene diskusije, Nezavisni odbor je istakao, da iako se Policijski komesar pozvao na akt Nezavisnog odbora, Nezavisni odbor nije raspravljao o objavljivanju podataka policijskih službenika, nego je Nezavisni odbor raspravljao o članu 43. Zakona o unutrašnjim poslovima Kantona Sarajevo koji reguliše obavezu Policijskog komesara da popuni imovinski karton. Nezavisni odbor ne zanima objavljivanje podataka policijskih službenika.

Nezavisni odbor je jednoglasno odlučio (6/6) da se Upravi policije Ministarstva unutrašnjih poslova Kantona Sarajevo pošalje sljedeći dopis:

“Nezavisni odbor Skupštine Kantona Sarajevo je, na sjednici održanoj 24.07.2025. godine razmatrao Mišljenje Agencije za zaštitu ličnih/osobnih podataka u Bosni i Hercegovini broj:03-1-02-1-638-2/25 od 04.07.2025. godine, te zaključio da se od Uprave policije Ministarstva unutrašnjih poslova Kantona Sarajevo traži akt broj: 02/7-114/25 od 07.05.2025.godine i nakon dostavljanja istog razmatrat će predmetnu tačku”.

AD-7.- Razmatranje Izvještaja o radu Nezavisnog odbora za period juli-decembar 2024. godine

Nezavisni odbor Skupštine Kantona Sarajevo je jednoglasno usvojio (6/6) Izvještaj o radu Nezavisnog odbora za period juli-decembar 2024. godine.

AD-8.- Razmatranje Izvještaja o radu policijskog komesara Uprave policije Ministarstva unutrašnjih poslova Kantona Sarajevo za vremenski period januar – mart 2025. godine

Nezavisni odbor je jednoglasno usvojio (6/6) Izvještaj o radu policijskog komesara Uprave policije Ministarstva unutrašnjih poslova Kantona Sarajevo za vremenski period januar – mart 2025. godine.

AD-9.- Razno

a) Razmatranje Izvještaja o radu policijskog komesara Uprave policije Ministarstva unutrašnjih poslova Kantona Sarajevo za vremenski period april – juni 2025. godine.

Nezavisni odbor je jednoglasno usvojio (6/6) Izvještaj o radu policijskog komesara Uprave policije Ministarstva unutrašnjih poslova Kantona Sarajevo za vremenski period april – juni 2025. godine.

b) Razmatranje okolnosti stradanja policajca

Predsjedavajući Nezavisnog odbora Adis Šečić je prisutne informisao da je, dana 22.07.2025. godine, Upravi policije MUP KS upućen dopis kojim se traži da dostave kompletnu informaciju o stradanju policajca Dalibora Bobara, koji je zadobio teške tjelesne povrede u saobraćajnoj nesreći 10.07.2025.godine.

Tokom diskusije je istaknuto da je s aspekta nadležnosti Nezavisnog odbora važno kad je Policijski komesar obaviješten o nesreći i šta je naložio da se uradi. Smatramo da se nije smjelo dopustiti da vanjski i unutrašnji bilteni o nesreći budu različiti.

Nezavisni odbor je mišljenja da treba tražiti od Uprave policije informaciju da li je bilo propusta u realizaciji aktivnosti što se tiče konkretnog slučaja, odnosno informaciju od momenta prijave kako je sve išlo kako bi Nezavisni odbor ocijenio da li je bilo eventualnih propusta.

Nezavisni odbor je jednoglasno odlučio (6/6) da se Upravi policije pošalje sljedeći dopis:

“Nezavisni odbor Skupštine Kantona Sarajevo traži od Policijskog komesara Uprave policije Ministarstva unutrašnjih poslova Kantona Sarajevo da, u skladu sa članom 23. Zakona o unutrašnjim poslovima Kantona Sarajevo („Službene novine Kantona Sarajevo“, broj: 1/16, 6/19 - autentično tumačenje, 26/19, 31/19 i 39/20), dostavi Izvještaj vezano za slučaj povrede policajca Dalibora Bobara, koji je zadobio teške tjelesne povrede u saobraćajnoj nesreći 10.07.2025. godine, odnosno informaciju da li je upoznat sa navedenim slučajem i koje je radnje poduzeo”.

Predsjedavajući Adis Šečić je zaključio rad 43. sjednice Nezavisnog odbora u 18:10 sati.

ZAPISNIK

sa 44. sjednice Nezavisnog odbora, održane dana 28.08.2025. godine, sa početkom rada u 17:00 sati, u prostorijama Skupštine Kantona Sarajevo.

Sjednici prisustvuju članovi Nezavisnog odbora:

Predsjedavajući: Adis Šečić

Članovi: Esad Solak, Mensud Cibra, Branislav Bunjevac i Jasmin Idrizović.

Izostanak sa sjednice Nezavisnog odbora opravdali su članovi Kenan Kapo i Mineta Hrvat.

Predsjedavajući Nezavisnog odbora Adis Šečić, predložio je sljedeći:

DNEVNI RED

- 1. Usvajanje Zapisnika sa 43. sjednice Nezavisnog odbora;**
- 2. Informacija o aktivnostima Uprave policije MUP-a Kantona Sarajevo za mjesec juni 2025.godine;**
- 3. Informacija o aktivnostima Uprave policije Ministarstva unutrašnjih poslova Kantona Sarajevo za period januar- juni 2025.godine;**
- 4. Informacija o aktivnostima Uprave policije MUP-a Kantona Sarajevo za mjesec juli 2025.godine;**
- 5. Izvještaj o radu policijskog komesara Uprave policije Ministarstva unutrašnjih poslova Kantona Sarajevo za vremenski period 01. april- 30. juni 2025.godine;**
- 6. Razmatranje Informacije Uprave policije MUP-a KS broj: 02-128/25 od 31.07.2025.godine;**
- 7. Razmatranje Informacije Uprave policije MUP-a KS broj: 02/7-114/25 od 04.08.2025.godine;**

8. Razmatranje Informacije Agencije za zaštitu ličnih/osobnih podataka u BiH broj: UP1 03-1-37-2-351-18/24 od 11.08.2025.godine;

9. Razno.

Članovi Nezavisnog odbora su jednoglasno usvojili Dnevni red (5/5).

Nakon što je konstatovano da je na sjednici prisutno (5/5) članova Nezavisnog odbora, te da postoji kvorum za rad i odlučivanje sukladno odredbi člana 7. Poslovnika o radu Nezavisnog odbora, Predsjedavajući je u skladu sa odredbom člana 6. stav 1. Poslovnika otvorio sjednicu Nezavisnog odbora, te se prelazi na predložene tačke Dnevnog reda, a kako slijedi:

AD-1.- Usvajanje Zapisnika sa 43. sjednice Nezavisnog odbora

Predsjedavajući Adis Šečić stavio je na glasanje prijedlog o usvajanju Zapisnika sa 43. sjednice Nezavisnog odbora koja je održana 24.07.2025.godine, te je konstatovao da je Zapisnik sa 43. sjednice Nezavisnog odbora jednoglasno usvojen (5/5).

U 17:18 sati na sastanak je pristupio Fatmir Hajdarević, policijski komesar

AD-2.- Informacija o aktivnostima Uprave policije MUP-a Kantona Sarajevo za mjesec juni 2025. godine

AD-3.- Informacija o aktivnostima Uprave policije Ministarstva unutrašnjih poslova Kantona Sarajevo za period januar- juni 2025. godine

AD-4.- Informacija o aktivnostima Uprave policije MUP-a Kantona Sarajevo za mjesec juli 2025. godine

S obzirom da su svi članovi Nezavisnog odbora pročitali prethodno navedene informacije složili su se da nema potrebe da Policijski komesar prezentira iste.

Nezavisni odbor je primio k znanju Informaciju o aktivnostima Uprave policije MUP-a Kantona Sarajevo za:

- mjesec juni 2025. godine,*
- period januar-juni 2025. godine, te*
- mjesec juli 2025. godine.*

AD-5.- Izvještaj o radu policijskog komesara Uprave policije Ministarstva unutrašnjih poslova Kantona Sarajevo za vremenski period 01. april- 30. juni 2025. godine

Policijski komesar Fatmir Hajdarević je prezentirajući Izvještaj o radu policijskog komesara Uprave policije Ministarstva unutrašnjih poslova Kantona Sarajevo za vremenski period 01. april- 30. juni 2025. godine govorio o procesu činovanja policijskih službenika, provedenim postupcima javnih nabavki, postupcima u toku i postupcima javnih nabavki koji će se pokrenuti. Posebno se osvrnuo na kadar, odnosno koliko trenutno nedostaje policijskih službenika. Istakao je da će početkom septembra 238 kadeta položiti zakletvu, 160 je na provjeri, imaju saglasnost Vlade da raspišu konkurs za 220 policajaca. Ukidanjem dva mjeseca obuke dobije se dvije klase u godini i treća klasa na pola obuke. Iskoristit će vanredno unapređenje zadnje klase. Iako policajci ne žele da napreduju u čin “narednik” i “stariji narednik”, počeo je unapređenje narednika u više narednike. Razlog što policijski službenici ne žele napredovati u navedene činove je plaća.

Nezavisni odbor je mišljenja da bi trebalo razmisliti da se reguliše da ljudi imaju interes da napreduju u čin "narednik" i "stariji narednik". Smatramo da i sa prijemima do kraja 2026. godine Uprava policije MUP KS će biti u nedostatku kadra, te kako je potreban redovan ciklus prijema policijskih službenika da bi u budućnosti bili kapacitirani sa dovoljnim brojem policijskih službenika.

Nezavisni odbor je istakao kako Uprava policije MUP KS u ovom trenutku ima sjajno razrađene procedure za prijem policijskih službenika, i isto je za poštovanje. Za nedostatak kadrova unutar Uprave policije smatramo da odgovornost snose bivši rukovodioci Uprave policije, a iz razloga što se nije vodilo računa o redovitom prijemu nedostajućih policijskih službenika. Postavili smo pitanje Policijskom komesaru, na koji način se može prevazići trenutni nedostatak kadra.

Policijski komesar Fatmir Hajdarević je odgovorio da se naredne dvije godine vrši činovanje konstatno, te da smatra da su potrebne izmijene odredbi koje regulišu vrijeme provedeno u činu, na način da se smanji za niže činove na dvije godine u činu i da se računa probni rad, a da se za više činove produži na tri godine. Na navedeni način Uprava policije bi za 5-6 godina bila popunjena 80%-85%. Drugo rješenje je eksterni prijem iz drugih policijskih agencija, ali smatra da to nije dobro. Ima potreba za još izmjena zakona što se tiče uslova za mlađe inspektore (potrebno je da u Zakonu o policijskim službenicima stoji da je potrebno najmanje 240 ETC bodova i da se uvedu još neki fakulteti. Smatra, i kako je potrebno je regulisati da Uprava policije ima mogućnost sklapanja ugovora sa međunarodnim akademijama i da svršenicima tih akademija bude zagarantovan čin mlađi inspektor.

Nezavisni odbor primio je k znanju Izvještaj o radu policijskog komesara Uprave policije Ministarstva unutrašnjih poslova Kantona Sarajevo za vremenski period 01. april- 30. juni 2025.godine.

AD-6.- Razmatranje Informacije Uprave policije MUP-a KS broj: 02-128/25 od 31.07.2025. godine

Predsjedavajući Adis Šečić je istakao da Informacija Uprave policije MUP-a KS broj: 02-128/25 od 31.07.2025.godine ne sadrži podatke koje je Nezavisni odbor tražio.

Policijski komesar Fatmir Hajdarević je prisutne članove Nezavisnog odbora detaljno informisao o aktivnostima Uprave policije vezano za saobraćajnu nezgodu u kojoj je povrijeđen policajac.

Nezavisni odbor je primio k znanju Informaciju Uprave policije MUP-a KS broj: 02-128/25 od 31.07.2025. godine.

AD-7.- Razmatranje Informacije Uprave policije MUP-a KS broj: 02/7-114/25 od 04.08.2025. godine

Predsjedavajući Adis Šečić je u uvodu govorio o obavezi policijskog komesara da, u skladu sa članom 43. Zakona o unutrašnjim poslovima Kantona Sarajevo, nakon imenovanja dostavi imovinski karton, te je zamolio Policijskog komesara da odgovori da li je postupio u skladu sa navedenim zakonskom odredbom?

Policijski komesar Fatmir Hajdarević je odgovorio da je popunio imovinski karton, te isti dostavio Vladi Kantona Sarajevo.

Nezavisni odbor je primio k znanju Informaciju Uprave policije MUP-a KS broj: 02/7-114/25 od 04.08.2025.godine.

AD-8.- Razmatranje Informacije Agencije za zaštitu ličnih/osobnih podataka u BiH broj: UP1 03-1-37-2-351-18/24 od 11.08.2025. godine

Predsjedavajući Nezavisnog odbora je pročitao navedenu informaciju, iz koje se može zaključiti intencija inspektora Agencije za zaštitu ličnih/osobnih podataka u BiH da Nezavisnom odboru ukaže na nepravilnosti u Upravi policije. Postavio je pitanje Policijskom komesaru da li je poduzeo neke aktivnosti u svezi sa navedenom informacijom, te ako jeste, kome je i šta naložio?

Policijski komesar Fatmir Hajdarević je odgovorio da je Jedinici za profesionalne standarde dato u obavezu da postupe po rješenjima Agencije za zaštitu ličnih/osobnih podataka BiH.

Nezavisni odbor je jednoglasno donio (5/5) ZAKLJUČAK

“Nezavisni odbor Skupštine Kantona Sarajevo nalaže Policijskom komesaru Uprave policije Ministarstva unutrašnjih poslova Kantona Sarajevo Fatmiru Hajdareviću, da donese Plan sigurnosti osobnih podataka u skladu sa odredbama Pravilnika o sadržaju i načinu vođenja evidencija i registara koji sadrže osobne podatke i koje vodi Uprava policije MUP Kantona Sarajevo (“Službene novine Kantona Sarajevo” broj: 52/20).

Obavezuje se Policijski komesar da po donošenju Plana sigurnosti obavijesti Nezavisni odbor”.

AD-9.- Razno

Predsjedavajući Nezavisnog odbora je postavio pitanje Policijskom komesaru koliko policijskih službenika u Upravi policije MUP KS trenutno ispunjava uslove za poziciju Policijskog komesara?

Policijski komesar je odgovorio da trenutno uslove za Policijskog komesara ispunjavaju Glavni inspektori Almedin Bahtanović i Fatmir Hajdarević.

Predsjedavajući Adis Šečić je zaključio rad 44. sjednice Nezavisnog odbora u 18:20 sati.

Z A P I S N I K

sa 45. sjednice Nezavisnog odbora, održane dana 29.09.2025. godine, sa početkom rada u 17:00 sati, u prostorijama Skupštine Kantona Sarajevo.

Sjednici prisustvuju članovi Nezavisnog odbora:

Predsjedavajući: Adis Šečić

Članovi: Esad Solak, Mensud Cibra, Kenan Kapo, Jasmin Idrizović i Branislav Bunjevac.

Članica Nezavisnog odbora Mineta Hrvat je pred početak sjednice poslala poruku da će kasniti zbog zastoja u saobraćaju, ali nije stigla do završetka sjednice.

Predsjedavajući Nezavisnog odbora Adis Šečić, predložio je sljedeći:



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-055, Fax: + 387 (0) 33 562-210

Web: <http://skupstina.ks.gov.ba>

E-mail: skupstina@skupstina.ks.gov.ba

DNEVNI RED

1. Usvajanje Zapisnika sa 44. sjednice Nezavisnog odbora;
2. Informacija o aktivnostima Uprave policije MUP-a Kantona Sarajevo za mjesec avgust 2025.godine;
3. *Razno.*

Članovi Nezavisnog odbora su jednoglasno usvojili Dnevni red (6/6).

Nakon što je konstatovano da je na sjednici prisutno (6/6) članova Nezavisnog odbora, te da postoji kvorum za rad i odlučivanje sukladno odredbi člana 7. Poslovnika o radu Nezavisnog odbora, Predsjedavajući je u skladu sa odredbom člana 6. stav 1. Poslovnika otvorio sjednicu Nezavisnog odbora, te se prelazi na predložene tačke Dnevnog reda, a kako slijedi:

AD-1.- Usvajanje Zapisnika sa 44. sjednice Nezavisnog odbora

Predsjedavajući Adis Šečić stavio je na glasanje prijedlog o usvajanju Zapisnika sa 44. sjednice Nezavisnog odbora koja je održana 28.08.2025.godine, te je konstatovao da je Zapisnik sa 44. sjednice Nezavisnog odbora jednoglasno usvojen (6/6).

U 17:07 sati na sastanak je pristupio Fatmir Hajdarević, policijski komesar

AD-2.- Informacija o aktivnostima Uprave policije MUP-a Kantona Sarajevo za mjesec avgust 2025.godine

Policijski komesar Fatmir Hajdarević je prezentirajući Informaciju o aktivnostima Uprave policije MUP Kantona Sarajevo za mjesec avgust 2025.godine istakao da je u navedenom mjesecu registrovano 310 događaja sa obilježjem krivičnog djela, što je za 1% više u odnosu na isti mjesec prethodne godine. Od ukupno registrovanih događaja sa obilježjem krivičnog djela 173 je evidentirano po poznatom izvršiocu, a 137 po nepoznatom izvršiocu (naknadno je rasvijetljen 101 događaj). U navedenom izvještajnom mjesecu evidentirano je jedno ubistvo u pokušaju i jedno ubistvo u pokušaju u saučiniteljstvu. U avgustu 2025. godine na području Kantona Sarajevo evidentiran je jedan događaj aktiviranja minsko-eksplozivnih sredstava, dok u istom mjesecu 2024.godine nije evidentiran niti jedan događaj. Iz oblasti javnog reda i mira evidentirano je 585 prekršaja, što je za 25,3% više u odnosu na isti mjesec prethodne godine. Na području Kantona Sarajevo u izvještajnom mjesecu 2025. godine održano je 219 javnih skupova (SFF, Sportske igre mladih), što je za 24,4% više u odnosu na mjesec avgust 2024. godine.

Nezavisni odbor je primio k znanju Informaciju o aktivnostima Uprave policije MUP-a Kantona Sarajevo za mjesec avgust 2025.godine.

AD-3.- Razno

Nezavisni odbor je postavio je pitanje Policijskom komesaru da li Ministarstvo unutrašnjih Kantona Sarajevo, odnosno Uprava policije može formirati svoju akademiju na kojoj biiskusni policijski službenici i penzionisani službenici vršili obuku kadeta za potrebe Uprave policije.



Policijski komesar je odgovorio da zakonska mogućnost postoji, jer škole formira Ministarstvo za obrazovanje, ali međunarodni faktor je takav da ne mogu policijske škole temeljiti na nivou Kantona. Policijski komesar je istakao kako komesari predlažu da se obuka na Akademiji stavi sa sedam mjeseci na pet mjeseci. U nastavku je govorio o kadrovskom kapacitiranju Uprave policije. Sa klasom od 220 policajaca zatvaraju prijem ukoliko se ne izmjene propisi. Smatra kako je potrebno izmjenama i dopunama Zakona o policijskim službenicima i Pravilnikom predvidjeti da se vrijeme provedeno u činu policajac, stariji policajac, narednik i stariji narednik smanji sa tri na dvije godine, a da se vrijeme provedeno u činu mladi inspektor do glavni inspektor poveća na tri godine. Policijski komesar je istakao da obuka na Policijskoj akademiji nije kvalitetna, da kadete nisu naučili osnovama koje policajci moraju znati, a Uprava policije nema uticaja na kvalitet obuke na Akademiji.

Predsjedavajući Adis Šečić je zaključio rad 45. sjednice Nezavisnog odbora u 17:31 sati.

ZAPISNIK

sa 46. sjednice Nezavisnog odbora, održane dana 31.10.2025. godine, sa početkom rada u 17:00 sati, u prostorijama Skupštine Kantona Sarajevo.

Sjednici prisustvuju članovi Nezavisnog odbora:

Predsjedavajući: Adis Šečić

Članovi: Esad Solak, Mensud Cibra, Mineta Hrvat i Jasmin Idrizović.

Članovi Nezavisnog odbora Kenan Kapo i Branislav Bunjevac su pravdali izostanak sa sjednice.

Predsjedavajući Nezavisnog odbora Adis Šečić, predložio je sljedeći:

DNEVNI RED

- 1. Usvajanje Zapisnika sa 45. sjednice Nezavisnog odbora;**
- 2. Informacija o aktivnostima Uprave policije MUP-a Kantona Sarajevo za mjesec septembar 2025.godine;**
- 3. Informacija o aktivnostima Uprave policije Ministarstva unutrašnjih poslova Kantona Sarajevo za period januar- septembar 2025.godine;**
- 4. Izvještaj o radu policijskog komesara Uprave policije Ministarstva unutrašnjih poslova Kantona Sarajevo za vremenski period 01. juli- 30. septembar 2025.godine;**
- 5. Razno.**

Članovi Nezavisnog odbora su jednoglasno usvojili Dnevni red (5/5).

Nakon što je konstatovano da je na sjednici prisutno (5/5) članova Nezavisnog odbora, te da postoji kvorum za rad i odlučivanje sukladno odredbi člana 7. Poslovnika o radu Nezavisnog odbora, Predsjedavajući je u skladu sa odredbom člana 6. stav 1. Poslovnika otvorio sjednicu Nezavisnog odbora, te se prelazi na predložene tačke Dnevnog reda, a kako slijedi:



AD-1.- Usvajanje Zapisnika sa 45. sjednice Nezavisnog odbora

Predsjedavajući Adis Šečić stavio je na glasanje prijedlog o usvajanju Zapisnika sa 45. sjednice Nezavisnog odbora koja je održana 29.09.2025. godine, te je konstatovao da je Zapisnik sa 45. sjednice Nezavisnog odbora jednoglasno usvojen (5/5).

AD-2.- Informacija o aktivnostima Uprave policije MUP-a Kantona Sarajevo za mjesec septembar 2025.godine

AD-3.- Informacija o aktivnostima Uprave policije Ministarstva unutrašnjih poslova Kantona Sarajevo za period januar- septembar 2025.godine;

AD-4.-Izveštaj o radu policijskog komesara Uprave policije Ministarstva unutrašnjih poslova Kantona Sarajevo za vremenski period 01. juli- 30. septembar 2025.godine

S obzirom da policijski komesar Uprave policije Fatmir Hajdarević, zbog službenog puta, nije mogao prisustvovati današnjoj sjednici Nezavisnog odbora predsjedavajući Adis Šečić je predložio, a članovi jednoglasno podržali (5/5) da se materijali koji su na dnevnom redu ove sjednice razmatraju na sljedećoj sjednici Nezavisnog odbora.

AD-5.- Razno

Predsjedavajući Nezavisnog odbora Adis Šečić je prisutne obavijestio da je nakon slanja poziva za 46. sjednicu Odbor za žalbe dostavio predstavku Almira Pašića. S obzirom da je materijal obiman i da je potrebno detaljno izanalizirati isti, članovi Nezavisni odbor su se složili da se na današnjoj sjednici navedeni materijal ne razmatra.

Predsjedavajući Adis Šečić je zaključio rad 46. sjednice Nezavisnog odbora u 17:33 sati.

Z A P I S N I K

sa 47. sjednice Nezavisnog odbora, održane dana 28.11.2025. godine, sa početkom rada u 16:30 sati, u prostorijama Skupštine Kantona Sarajevo.

Siednici prisustvuju članovi Nezavisnog odbora:

Predsjedavajući: Adis Šečić

Članovi: Esad Solak, Branislav Bunjevac, Mensud Cibra (pristupio u 16:55), Mineta Hrvat i Jasmin Idrizović.

Član Nezavisnog odbora Kenan Kapo pravdao je izostanak sa sjednice (bolest).

Predsjedavajući Nezavisnog odbora Adis Šečić, predložio je sljedeći:

DNEVNI RED

1. Usvajanje Zapisnika sa 46. sjednice Nezavisnog odbora;



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax: + 387 (0) 33 562-210
Web: <http://skupstina.ks.gov.ba>
E-mail: skupstina@skupstina.ks.gov.ba

2. Informacija o aktivnostima Uprave policije MUP-a Kantona Sarajevo za mjesec septembar 2025. godine;
3. Informacija o aktivnostima Uprave policije Ministarstva unutrašnjih poslova Kantona Sarajevo za period januar- septembar 2025. godine;
4. Informacija o aktivnostima Uprave policije MUP-a Kantona Sarajevo za mjesec oktobar 2025.godine;
5. Izvještaj o radu policijskog komesara Uprave policije Ministarstva unutrašnjih poslova Kantona Sarajevo za vremenski period 01. juli- 30. septembar 2025.godine;
6. Razno.

Članovi Nezavisnog odbora su jednoglasno usvojili Dnevni red (5/5).

Nakon što je konstatovano da je na sjednici prisutno (5/5) članova Nezavisnog odbora, te da postoji kvorum za rad i odlučivanje sukladno odredbi člana 7. Poslovnika o radu Nezavisnog odbora, Predsjedavajući je u skladu sa odredbom člana 6. stav 1. Poslovnika otvorio sjednicu Nezavisnog odbora, te se prelazi na predložene tačke Dnevnog reda, a kako slijedi:

AD-1.- Usvajanje Zapisnika sa 46. sjednice Nezavisnog odbora

Predsjedavajući Adis Šečić stavio je na glasanje prijedlog o usvajanju Zapisnika sa 46. sjednice Nezavisnog odbora koja je održana 31.10.2025. godine, te je konstatovao da je Zapisnik sa 46. sjednice Nezavisnog odbora jednoglasno usvojen (5/5).

Policijski komesar Fatmir Hajdarević pristupio je sjednici Nezavisnog odbora u 16:45 sati

AD-2.- Informacija o aktivnostima Uprave policije MUP-a Kantona Sarajevo za mjesec septembar 2025. godine

Policijski komesar Fatmir Hajdarević je prezentirajući Informaciju o aktivnostima Uprave policije MUP Kantona Sarajevo za mjesec septembar 2025. godine istakao da je u navedenom mjesecu registrovano 358 događaja sa obilježjem krivičnog djela, što je za 33,6% više u odnosu na isti mjesec prethodne godine. Od ukupno registrovanih događaja sa obilježjem krivičnog djela 192 (53,6%) je evidentirano po poznatom izvršiocu, a 166 (44,6%) po nepoznatom izvršiocu (naknadno je rasvijetljen 134 događaj). U navedenom izvještajnom mjesecu evidentirana su dva ubistva u pokušaju. U mjesecu septembar tekuće godine došlo je do povećanja krivičnih djela iz oblasti: protiv života i tijela (16 više u odnosu na isti mjesec 2024.godine), protiv slobode i prava čovjeka i građanina (više za 19), protiv braka, porodice i mladeži (38 više), protiv imovine (za 1 događaj više), protiv javnog reda i pravnog prometa (18 više), dok je evidentirano manje događaja sa obilježjem krivičnog djela iz oblasti: protiv spolne slobode i morala, protiv zdravlja ljudi (manje za 4), protiv opće sigurnosti ljudi i imovine (4 manje). Što se tiče krivičnih djela iz oblasti koje reguliše Zakon o nabavljanju, držanju i nošenju oružja i municije, u septembru 2025. godine registrovano su tri događaja sa obilježjem krivičnog djela. U septembru 2025. godine evidentirano je 471 prekršaj po Zakonu o javnom redu i miru, što je za 133 više u odnosu na isti mjesec 2024.godine. U posmatranom mjesecu ogržano je ukupno 312 javnih skupova (za 115 više) i 55 KDZ osiguranja. U septembru 2025. go-

dine registrovano je 1.212 saobraćajnih nezgoda (345 više u odnosu na septembar 2024. godine). Od 1.113 saobraćajnih nezgoda sa materijalnom štetom za 770 je sačinjen obrazac evropskog izvještaja o saobraćajnoj nezgodi. U mjesecu za koji se podnosi informacija uručeno je 28.078 prekršajnih naloga vozačima (1.528 manje u odnosu na septembar 2024. godine) i podneseno 375 zahtjeva za pokretanje prekršajnog postupka (255 više). Od višestrukih povratnika u činjenju prekršaja iz oblasti ZOOBS-a oduzeto je sedam motornih vozila.

Predsjedavajući Nezavisnog odbora Adis Šečić je zamolio Policijskog komesara da odgovori da li su rađene analize vezano za razlog povećanja događaja sa obilježjem krivičnog djela iz oblasti protiv braka, porodice i mladeži?

Policijski komesar je odgovorio da smatra kako su razlog izmjene Krivičnog zakona. Došlo je do masovne prijave psihološkog zlostavljanja putem mreža.

Nezavisni odbor smatra da Uprava policije treba izanalizirati koliko je prijava nasilja putem mreža ili direktnog nasilja, te da treba uzeti uporedne pokazatelje, kao i da navedenu analizu POolicijski komesar prikaže u svom tromjesečnom izvještaju o radu.

Nezavisni odbor je Policijskom komesaru postavio pitanje da li je bilo edukacija policijskih službenika-inspektora vezano za zaštitu žrtava nasilja u porodici i postupanja sa djecom maloljetnicima u krivičnom postupku?

Policijski komesar je odgovorio da ne može dati precizan odgovor bez provjere sa nadležnim odjeljenjem za edukacije.

U 16:55 sati sjednici je pristupio član Nezavisnog odbora Mensud Cibra

Članovi Nezavisnog odbora su primili k znanju Informaciju o aktivnostima Uprave policije MUP-a Kantona Sarajevo za mjesec septembar 2025.godine

AD-3- Informacija o aktivnostima Uprave policije Ministarstva unutrašnjih poslova Kantona Sarajevo za period januar- septembar 2025. godine

Policijski komesar Fatmir Hajdarević je prezentirajući navedenu Informaciju istakao da je u periodu januar-septembar 2025. godine registrovano 2.572 događaja sa obilježjem krivičnog djela, što je za 4,1 % manje u odnosu na isti period 2024. godine. Od četiri evidentirana ubistva, dva su rasvjetljena i uz službeni izvještaj počinioci su predati nadležnom tužilaštu, za dva ubistva identifikovani su počinioci (migranti) i za istim su raspisane operativne potrage. Evidentirano je šest krivičnih djela-ubistvo u pokušaju i sva su rasvjetljena i izvršioci su uz službeni izvještaj predati nadležnom tužilaštvu. U izvještajnom periodu došlo je do smanjenja krivičnih djela iz oblasti: protiv spolne slobode i morala, protiv zdravlja ljudi, protiv imovine, protiv opće sigurnosti ljudi i imovine, protiv podmićivanja i krivična djela protiv službene i druge odgovorne funkcije, protiv sistema elektronske obrade podataka, krivična djela protiv privrede i jedinstva tržišta te krivična djela iz oblasti carina (KZ BiH), dok je došlo do povećanja krivičnih djela iz oblasti: protiv slobode i prava čovjeka i građanina, protiv braka, porodice i mladeži, protiv javnog reda i pravnog prometa, događaji sa obilježjem krivičnog djela regulisani ZONDINOIM-om Kantona Sarajevo. Što se događaja sa obilježjem krivičnog djela regulisanim Zakonom o zaštiti od nasilja u porodici i nasilja prema ženama u FBiH evidentirano je 40 događaja, te su nadležnom tužilaštvu podneseni izvještaji protiv 40 lica. U prva tri kvartala 2025. godine evidentirano je 4.861 prekršaj po Zakonu o javnom redu i miru, što je za 24,2 % više u odnosu na isti period 2024.godine. Na području Kantona



Sarajevo u izvještajnom periodu održano je 2.269 javnih skupova (84 ili 3.6% više) i 452 KDZ osiguranja. U periodu januar- septembar registrovano je 10.631 saobraćajna nezgoda. što je za 3.171 ili 42,5 % više u odnosu na isti period 2024. godine. U navedenom periodu uručeno je 309.335 prekršajnih naloga vozačima (74.792 ili 31,9% više), podneseno je 2.399 zahtjeva za pokretanje prekršajnog postupka (1.263 ili 111,2% više). Policijski službenici Uprave policije KS su, u periodu januar-septembar 2025. godine, izvršili kontrolu 327 ugostiteljskih objekata, kontrolisali su 7.148 lica i pregledali 108 vozila. U izvještajnom periodu registrovano je 27 anonimnih dojava o postavljenim minsko-eksplozivnim sredstvima (10 se odnosilo na osnovne i srednje škole, 12 na zgrade Općinskog i Kantonalnog suda u Sarajevu, 3 na ugostiteljske objekte i po 1 na zgrade Doma mladih-Skenderija i Vlade Kantona Sarajevo). U navedenom periodu od višestrukih povratnika u činjenju prekršaja iz oblasti ZOOBS-a oduzeto je ukupno 66 vozila.

Na pitanje Nezavisnog odbora šta je riješeno vezano za anonimne dojavae o postavljenim bombama u Kantonalnom i Općinskom sudu u Sarajevu, Policijski komesar je odgovorio da je Sudska policija FBiH preuzela KDZ osiguranja istih.

Nezavisni odbor je primio k znanju Informaciju o aktivnostima Uprave policije Ministarstva unutrašnjih poslova Kantona Sarajevo za period januar- septembar 2025. godine.

AD-4.-Informacija o aktivnostima Uprave policije MUP-a Kantona Sarajevo za mjesec oktobar 2025. godine

Policijski komesar Fatmir Hajdarević je prilikom prezentiranja Informacije o aktivnostima Uprave policije MUP Kantona Sarajevo za mjesec oktobar 2025. godine istakao da je registrovano 314 događaja sa obilježjem krivičnog djela, što je za 19,7% manje u odnosu na isti mjesec 2024.g odine. Rasvjetljeno je 100 krivičnih djela i to 75 iz mjeseca oktobra i 25 iz ranijeg perioda. U mjesecu oktobru 2025. godine nije evidentirano krivična djela – ubistvo, dok je evidentirano jedno djelo-ubistvo u pokušaju. Do smanjenja krivičnih djela je došlo iz oblasti: protiv života i tijela, protiv slobode i prava čovjeka i građanina, protiv imovine, protiv javnog reda i pravnog prometa, dok je do povećanja došlo iz oblasti: protiv spolne slobode i morala, protiv braka, porodice i mladeži, protiv zdravlja ljudi, protiv opće sigurnosti ljudi i imovine, protiv podmićivanja i krivična djela protiv službene i druge odgovorne funkcije. U toku mjeseca oktobra tekuće godine evidentirano je 611 prekršaja po Zakonu o javnom redu i miru, što je za 27,8% više u odnosu na isti mjesec 2024.godine i podneseno je 57 zahtjeva za pokretanje prekršajnog postupka (27 manje). Na području Kantona Sarajevo, u oktobru 2025.godine, održan je 371 javni skup i 51 KDZ osiguranje. U mjesecu za koji se podnosi informacija, u Kantonu Sarajevo, registrovano je 1.229 saobraćajnih nezgoda, što je za 371 ili 38,4% više u odnosu na oktobar 2024.godine. Od ukupnog broja nezgoda u 777 slučajeva sačinjen je obrazac evropskog izvještaja. U oktobru 2025. godine ukupno je uručeno 52.240 prekršajnih naloga vozačima (9.368 više u odnosu na isti mjesec 2024.godine), podneseno je 683 zhtjeva za pokretanje prekršajnog postupka. U oktobru 2025. godine evidentirano je sedam anonimnih dojava o postavljenim minsko-eksplozivnim sredstvima (5- zgrada Općinskog i Kantonalnog suda u Sarajevu i po 1- na objekat KJU Djeca bez roditeljskog stareanja i ugostiteljski objekat). Od višestrukih povratnika u činjenju prekršaja iz oblasti ZOOBS-a oduzeto je jedno vozilo.

Nezavisni odbor primio je k znanju Informaciju o aktivnostima Uprave policije MUP-a Kantona Sarajevo za mjesec oktobar 2025. godine.

AD-5.- Izvještaj o radu policijskog komesara Uprave policije Ministarstva unutrašnjih poslova Kantona Sarajevo za vremenski period 01. juli- 30. septembar 2025. godine

Policijski komesar Fatmir Hajdarević je istakao da i pored prijema 238 policijskih službenika upražnjeno je prema sistematizaciji 633. Krajem 2025. godine 53 policijska službenika idu u penziju, a u 2026. godini njih 140. U decembru ove godine 100, a u martu 2026. godine 50 ljudi ide na školovanje na Akademiju. Na posljednji konkurs za prijem 220 policajaca prijavilo se 642 kandidata. Zbog kašnjenja Budžeta neće biti isporučeno vatreno oružje do kraja ove godine i budžetska stavka za nabavku vatrenog oružja bit će “prenesena” u Budžet za 2026. godinu. Do kraja godine trebala bi Uprava policije dobiti oklopno vozilo. U Nacrtu Budžeta za 2026. godinu jedino je Budžet Uprave policije rastao, dok je kod ostalih budžetskih korisnika budžet pao.

Na pitanje Nezavisnog odbora kakvo je izvršenje Budžeta za 2025. godinu, Policijski komesar je odgovorio da je dobro izvršenje, i dosta je opreme došlo u tekućoj godini. Smatra da bi izvršenje Budžeta Uprave policije trebalo gledati za dvije godine zbog dugih procedura uvoza opreme. Dalje je Policijski komesar rekao da su nabavljene “kornjače”, te oprema za Policijsku upravu Novi Grad Sarajevo. Planiraju završavanje voznog parka.

Predsjedavajući Adis Šečić je uputio pitanje Policijskom komesaru da li Uprava ima povratne informacije u vezi korištenja body kamera i kamera postavljenih na autobuskim stajalištima?

Policijski komesar je odgovorio da nema nekih pritužbi od strane policijskih službenika. Uprava policije vrši redovan inspekcijski nadzor. Također, ni građani nemaju pritužbi na body kamere. Kamere na autobuskim stajalištima pokazale su se efikasne i isplative, a obradu podataka sa istih vrše nadležne policijske uprave. Do polovine januara očistit će naloge vezno za radare i onda će ići dan za dan.

Nezavisni odbor primio je k znanju Izvještaj o radu policijskog komesara Uprave policije Ministarstva unutrašnjih poslova Kantona Sarajevo za vremenski period 01. juli- 30. septembar 2025. godine.

AD-5.- Razno

Predsjedavajući Nezavisnog odbora Adis Šečić je prisutne obavijestio da je Odbor za žalbe dostavio predstavku Almira Pašića. Nakon što se detaljno članovi Nezavisnog odbora upoznaju sa sadržajem navedene predstavke, na narednoj svojoj sjednici će istu razmatrati i donijet zaključak.

Predsjedavajući Adis Šečić je zaključio rad 47. sjednice Nezavisnog odbora u 17:15 sati.

ZAPISNIK

sa 48. sjednice Nezavisnog odbora, održane dana 23.12.2025. godine, sa početkom rada u 17:00 sati, u prostorijama Skupštine Kantona Sarajevo.

Sjednici prisustvuju članovi Nezavisnog odbora:

Predsjedavajući: Adis Šečić

Članovi: Branislav Bunjevac, Mensud Cibra, Mineta Hrvat (pristupila u 17:22 sati) i Jasmin Idrizović.

Članovi Nezavisnog odbora Esad Solak i Kenan Kapo pravdao je izostanak sa sjednice (bolest).



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax: + 387 (0) 33 562-210
Web: <http://skupstina.ks.gov.ba>
E-mail: skupstina@skupstina.ks.gov.ba

Predsjedavajući Nezavisnog odbora Adis Šečić, predložio je sljedeći:

DNEVNI RED

- 1. Usvajanje Zapisnika sa 47. sjednice Nezavisnog odbora;**
- 2. Informacija o aktivnostima Uprave policije Ministarstva unutrašnjih poslova Kantona Sarajevo za mjesec novembar 2025.godine;**
- 3. Razmatranje Predstavke policijskog službenika Almira Pašića, dostavljene od strane Odbora za žalbe javnosti Skupštine Kantona Sarajevo;**
- 4. Razno.**

Članovi Nezavisnog odbora su jednoglasno usvojili Dnevni red (5/5).

Nakon što je konstatovano da je na sjednici prisutno (5/5) članova Nezavisnog odbora, te da postoji kvorum za rad i odlučivanje sukladno odredbi člana 7. Poslovnika o radu Nezavisnog odbora, Predsjedavajući je u skladu sa odredbom člana 6. stav 1. Poslovnika otvorio sjednicu Nezavisnog odbora, te se prelazi na predložene tačke Dnevnog reda, a kako slijedi:

AD-1.- Usvajanje Zapisnika sa 47. sjednice Nezavisnog odbora

Predsjedavajući Adis Šečić stavio je na glasanje prijedlog o usvajanju Zapisnika sa 47. sjednice Nezavisnog odbora koja je održana 28.11.2025. godine, te je konstatovao da je Zapisnik sa 47. sjednice Nezavisnog odbora jednoglasno usvojen (5/5).

Policijski komesar Fatmir Hajdarević pristupio je sjednici Nezavisnog odbora u 17:15 sati

AD-2.- Informacija o aktivnostima Uprave policije Ministarstva unutrašnjih poslova Kantona Sarajevo za mjesec novembar 2025. godine

Policijski komesar Fatmir Hajdarević je prezentirajući Informaciju o aktivnostima Uprave policije MUP Kantona Sarajevo za mjesec novembar 2025.godine istakao da je u navedenom mjesecu registrovano 296 događaja sa obilježjem krivičnog djela, što je za 1,4% više u odnosu na isti mjesec prethodne godine. Od ukupno registrovanih događaja sa obilježjem krivičnog djela 160 (54,1%) je evidentirano po poznatom izvršiocu, a 136 (45,9%) po nepoznatom izvršiocu (naknadno je rasvijetljen 111 događaj). Do smanjenja krivičnih djela došlo je smanjenja krivičnih djela iz oblasti: protiv slobode i prava čovjeka i građanina, protiv spolne slobode i morala, protiv imovine, protiv opće sigurnosti ljudi i imovine, protiv javnog reda i pravnog prometa, dok je došlo do povećanja krivičnih djela iz oblasti: protiv braka, porodice i mladeži, protiv zdravlja ljudi, protiv sigurnosti javnog prometa. Tokom mjeseca novembra 2025. godine iz oblasti javnog reda i mira evidentirano je 511 prekršaja (za 139 ili 37,4% više u odnosu na isti mjesec 2024.godine), izdato je 473 naloga po Zakonu o javnom redu i miru (za 161 ili 61,6% više u odnosu na isti mjesec prethodne godine). Na području Kantona Sarajevo, u izvještajnom periodu, održano je 399 javnih skupova (63 ili 18,8% više) i izvršeno je 75 KDZ pregleda. U novembru 2025. godine registrovano je 1.296 saobraćajnih nezgoda (380 ili 41,5% više u odnosu na isti mjesec 2024. godine) sa 77 nastradalim licima, a za 749 nezgoda sačinjen je obrazac evropskog izvještaja. U izvještajnom mjesecu uručeno je ukupno

42.399 prekršajnih naloga vozačima (za 1.962 ili 4,8% više). oduzeta su tri motorna vozila od višestrukih povratnika u činjenju prekršaja iz oblasti ZOOPS-a.

Nezavisni odbor je primio k znanju Informaciju o aktivnostima Uprave policije Ministarstva unutrašnjih poslova Kantona Sarajevo za mjesec novembar 2025. godine.

AD-3.- Razmatranje Predstavke policijskog službenika Almira Pašića, dostavljene od strane Odbora za žalbe javnosti Skupštine Kantona Sarajevo

Predsjedavajući Nezavisnog odbora je prisutne informisao da je Odbor za žalbe javnosti Skupštine Kantona Sarajevo, dana 23.10.2025. godine, dostavio Predstavku policijskog službenika Almira Pašića.

Nakon detaljne analize dokumenata koji su dostavljeni, Nezavisni odbor Skupštine Kantona Sarajevo odlučio je da sekretar Nezavisnog odbora, putem mail-a, dostavi Policijskom komesaru Predstavku na očitovanje o navodima u istoj. Policijski komesar treba da se u roku od mjesec dana očituje o navodima u predstavi.

AD-4.- Razno

Predsjedavajući Nezavisnog odbora Adis Šečić je prisutne obavijestio da je ministar unutrašnjih poslova Kantona Sarajevo Admir Katica dostavio nadležnim tijelima Skupštine KS iz oblasti sigurnost Nacrt Zakona o izmjenama i dopunama Zakona o unutrašnjim poslovima Kantona Sarajevo i Nacrt Zakona o izmjenama i dopunama Zakona o policijskim službenicima Kantona Sarajevo na mišljenje o istim.

S obzirom da je predsjedavajući Nezavisnog odbora, u skladu sa ovlaštenjima, kao član radnih grupa koje su pripremile navedene nacрте zakona učestvovao u izradi istih i da su prijedlozi Nezavisnog odbora uključeni u nacрте, članovi Nezavisnog odbora su odlučili da se dostavi ministru Admiru Katici odgovor da nemaju primjedbi, sugestija i prijedloga na dostavljene nacрте zakona.

Nezavisni odbor je postavio Policijskom komesaru pitanje vezano za planirane aktivnosti Uprave policije u vezi dočeka Nove godine, te kako se namjeravaju boriti protiv pirotehlike?

Policijski komesar je odgovorio da će doček Nove godine, odnosno koncert biti održan iza SCC-a, i da smatra kako ne bi trebalo biti problema. Što se tiče pirotehlike, od 10.12.2025. godine pokrenute su akcije borbe protiv trgovine pirotehnikom. Problem je što ljudi odu u drugi BiH entitet ili drugi kanton gdje je to dozvoljeno, kupe pirotehniku, a potom istu koriste u Kantonu Sarajevo.

Predsjedavajući Adis Šečić je zaključio rad 48. sjednice Nezavisnog odbora u 17:35 sati.

Nezavisni odbor predlaže Skupštini Kantona Sarajevo da usvoji Izvještaj o radu Nezavisnog odbora za period juli – decembar 2025. godine.

Broj:01-04-24- 2 /26
Sarajevo, 17.02.2026. godine



**PREDSJEDAVAJUĆI
NEZAVISNOG ODBORA**



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax: + 387 (0) 33 562-210
Web: <http://skupstina.ks.gov.ba>
E-mail: skupstina@skupstina.ks.gov.ba